

## پروتلارلار و کمونیستلر

کمونیستلرین عمومیتله پروتلارلارا مناسباتی نجه دیر؟

کمونیستلر دیگر کارگر حزبلری علیهینه دوران خصوصی بیر حزب دگیلدیرلر. اونلارین بوتولوکده بوتون پروتلاریاتین منافعیندن آیری اولان هیچ بیر منافی یوخدور. انلار هیچ بیر خصوصی<sup>۱</sup> پرنسیپل ایرهلی سوروب پروتلار حرکتینی بو پرنسیپلره او یغون لاشدیرماق ایسته میرلر.

کمونیستلر دیگر پروتلار حزبلریندن فقط بونونلا فرق لیرلر که، اونلار بیر طرفدن، مختلف ملتترین پروتلارلارینین مبارزه سینده بوتون پروتلاریاتین ملتدن آسیلی اولمایان عمومی منافیعی آیریپ مدافعه ایدیرلر، دیگر طرفدن، پروتلاریاتین بورژوازی علیهینه مبارزه سینین کچدیگی مختلف انکشاف پله لرینده اونلار بوتولوکده، حرکتین منافیعی تمثیل ایدیرلر.

دیملی، کمونیستلر پراتیکده بوتون مملکتلرین کارگر حزبلرینین همیشه ایره لیمه گه سوق ایدن<sup>۲</sup> ان قطعیتلی حصه سیدیر. نظری جهتدن پروتلاریاتین قالان کتله سینه نسبتا اونلارین اوستونلوگو پروتلار حرکتینین شرانطینی، گیدیشینی و عمومی نتیجه لرینی باشادوشمه لرینده دیر

<sup>۱</sup> - ۱۸۸۸- نجی ایل انگلیس دیلینده نشرینده "خصوصی" عوضینه "طریقتچی" دیلمیشدیر.

ت. ه.

<sup>۲</sup> - ۱۸۸۸-نجی ایل انگلیس دیلینده نشرینده "همیشه ایره لیمه گه سوق ایدن" سوزلری

عوضینه "ان قاباقجیل" چاپ ایدلمیشدیر. ت. ه.

## کمونیست حزبی نین مانیفستی

کمونیستلرین ده ان یاخین مقصدی بوتون قالان پرولتار حزبلرینین ان یاخین مقصدینین عینی دیر: پرولتاریانین طبقه حالیندا فرم لاشماسی، بورژوازی حکمرانلیغینین سرنگون ایدیللمه‌سی، سیاسی حاکمیتین پرولتاریا طرفیندن اله آلینماسی.

کمونیستلرین نظری مدعالاری هیچ ده دنیائی تزه لشدیرمک خیالینا دوشن بو یا دیگر بیر شخصین اویوردوغی و یا قوراشدیغی مفکوره لره، پرنسیپلره اساس لاندیر.

بو مدعالار دوام ایدن طبقاتی مبارزه ده کی حقیقی مناسباتین فقط عمومی افاده‌سی دیر، گوزوموزون مقابلنده باش ویرن تاریخی حرکاتین افاده‌سیدیر. کچمیشده موجود اولموش مالکیت مناسباتینین محو ایدیللمه‌سی فقط کمونیسمه مخصوص بیر شئی دگیلدیر.

بوتون مالکیت مناسباتی تاریخ بویی دائم بیربیرینی عوض ایتمیش، تاریخ بویی دائم دگیلشدیر.

مثلا، فرانسه انقلابی فنودال مالکیتینی لغو ایدی، اونی بورژوا مالکیتی ایله عوض ایتمیشدیر.

کمونیسمین فرق لندیرجی جهتی عمومیتله مالکیتی لغو ایتمک دگیل، بورژوا مالکیتینی لغو ایتمکدیر.

لکن معاصر بورژوا خصوصی مالکیتی طبقاتی آنتاگونیسملره، بعضی لرینین آیریلارینی استثمار ایتمه‌سینه<sup>۱</sup> اساسلاندان محصول تولیدی و منیمسه نیلمه‌سینین سون و ان مکمل افاده‌سیدیر.

<sup>۱</sup> - ۱۸۸۸ - نجی ایل انگلیس دیلینده نشرینده "بعضی لرینین آیریلارینی استثمار ایتمه‌سینه" سوزلری عوضینه "آزلیغین چوخو لغی استثمار ایتمه‌سینه" چاپ ایدیلشدیر. ت. ه

بو معنادا کمونیستلر نوزلرینین نظریه‌سینی بیر مدعایلّه افاده ایده بیلرلر:  
خصوصی مالکیتی محو ایتمک.

بیز کمونیستلری اتهام ایدریدیلر که، بیز شخصا الدهه ایدیلم، نوز امگی ایله قازانیلان مالکیتی، هر جور شخصی آزادیغین، فعالیتین و مستقل لیگین اساسینی تشکیل ایدن مالکیتی محو ایتمک ایسته‌بیریک.

کسب ایدیلم، قازانیلان، نوز امگی ایله الدهه ایدیلم بیر مالکیت! بلکه سیز بورژوا مالکیتیندن اولکی خیردا بورژوا، خیردا کندلی مالکیتیندن بحث ایدریسیز؟ بو مالکیتی بیزیم محو ایتمگه گیمیزه احتیاج یوخدور، صنایعین انکشافی اونوی محو ایتمیش و هر گون محو ایتمکده دیر.

بلکه ده سیز معاصر بورژوا خصوصی مالکیتیندن بحث ایدریسیز؟

مگر مزدلی امک، پروولتارین امگی اونا مالکیت یارادیر؟ اصلا یوخ. بو امک سرمایه یارادیر، یعنی مزدلی امگی استثمار ایدن بیر مالکیت یارادیر، همین مالکیت فقط بو شرطله آرتا بیلر که، تزه دن استثمار ایتمک ایچون تزه مزدلی امک دوغورسون. معاصر شکله اولان مالکیت سرمایه ایله مزدلی امک آراسینداکی تضاد داخلینده حرکت ایدر. بوتضادین هر ایکی طرفینی نظردن کچیره ک.

سرمایه دار اولماق تولیداتدا فقط خالص شخصی موضع توتماق دگیل، هابنله اجتماعی بیر موضع توتماق دیمکدیر. سرمایه گولکتیو محصولی دیر آنجاق جامعه نین بیر چوخ عضولرینین بیرگه فعالیتی ایله، نتیجه ده جامعه نین فقط بوتون عضولرینین بیرگه فعالیتی ایله حرکت گتیریله بیلر.

بنله لیکه سرمایه شخصی قوه دگیل، اجتماعی قوه دیر.

دیماهلی، سرمایه جمعیتین بوتون عضولرینه مخصوص اولان کولکتیو مالکیته چویریلسه، بو، شخص مالکیتین اجتماعی مالکیته چویریلمه سی دیمک

اولماز. مالکیتین آنجاق اجتماعی کاراکتری دگیشیلیر. مالکیت نوز طبقاتی کاراکترینی ایتیریر.

مزدلی امگه کچهک.

مزدلی امگین اورتا قیمتی امک حقی مینمومی دیر، یعنی کارگری بیر کارگر اولراق یاشاتماق ایچون ضروری اولان یاشایش واسطه لرینین مجموعی دیر. "کمونیست حزبینین مانیفستیندن" بیر صفحه نین ال یازماسی و بوتون متن مارکسین الیه یازیلیمیشدیر. اولکی ایکی سطر مارکسین آروادی نین خطیله دیر.

دیمه لی، مزدلی کارگرین نوز فعالیتی نتیجه سینده منیمسه دیگی شنی اونون حیاتی نین تکرار تولیدی ایچون گوجلّه کفایت ایدیر. بلاواسطه حیاتی ن تکرار تولیدی ایچون اولان امک محصول لرینین بو شخصی منیمسنیلمه سینی، نوزگه امگی اوزرینده حکمران لیک یارادا بیله جک هیچ بیر آرتیق شنی ساخلامیان منیمسنیلمه سینی بیز اصلا محو ایتمک نیتینده دگیل ایک. بیز منیمسمه نین فقط انله مسکین بیر کاراکترینی محو ایتمک ایسته بیریک که، بو زمان کارگر آنجاق سرمایه نی آرتیرماق ایچون یاشاییر و فقط حاکم طبقه نین منافی طلب ایتدیگینه گوره یاشاییر.

بورژوا جامعه سینده جانلی امک آنجاق توپلانمیش امگی آرتیرماق واسطه سی دیر. کمونیسیم جامعه سینده توپلانمیش امک آنجاق کارگر لرین حیات پروسه سینی گنیش لن دیرمک، زنگین لشدیرمک، یونگول لشدیرمک واسطه سیدیر.

بنله لیکله بورژوا جامعه سینده کچمیش حال حاضرین اوزرینده کمونیسیم جامعه سینده حال حاضر کچمیشین اوزرینده حکمران لیک ایدیر. بورژوا

جامعه‌سینده سرمایه مستقل‌لیگه و فردلیگه مالک‌دیر، حال بوکه زحمتکش فرد استقلالدان محروم‌دیر و سیماسیزلاشدیر یلمیش‌دیر.

بو مناسباتین محو ایدیلمه‌سینی بورژوازی شخصیتین و آزادلیغین لغو ایدیلمه‌سی آدلاندیریر. حق‌دا وار. دوغرواندان، بورژوا شخصیتینی، بورژوا استقلالینی و بورژوا آزادلیغینی لغو ایتمکن بحث اولونور.

ایندیکی بورژوا تولید مناسباتی چرچیوه‌سی داخلینده آزادلیق دیدیکده، تجارت آزادلیغینی، آغی-ساتغی آزادلیغینی نظرده توتورلار.

لکن آلویرچیلیک آرادان قالدیقدا، آزاد آلویرچیلیکده آرادان قالدیاق‌دیر. آزادلیق حقیقده بیزیم بورژوالارین بوتون آیری‌دبدب‌لی نطق‌لری کیمی، آزادلیق آلویرچیلیک حقیقده‌کی دانیشتیق‌لاردا آلویرچیلیگی، بورژوا تولید مناسباتینی و بورژوازینین نوزونی کمونیستجه‌سینه محو ایتمگه عاید دگیل، عمومیتله آنجاق اورتا عصرلر دورونون آزاد اولمایان آلویرچیلیگینه، اسارتده اولان شهرلیسینه عاید اولاییلر. بیزیم خصوصی مالکیتی محو ایتمک ایسته‌دیگیمیز سیزی دهشته سالیر. لکن سیزین ایندیکی جامعه‌نیزده اونون عضولرینین اوندادوققوزو ایچون خصوصی مالکیت اونا گوره موجود دور که، جامعه عضولرینین اوندادوققوزو ایچون خصوصی مالکیت موجود دگیل‌دیر. دیمه‌لی، سیز بیزی اوندادتهام ایدیرسیز که، بیز جامعه‌نین اولدوقجا بویوک چوخلوغونون مالکیتی اولماماسی کیمی بیر ضروری شرطله باغلی اولان مالکیتی محو ایتمک ایسته‌بیریک.

بیر سوزله، سیز بیزی اوندادتهام ایدیرسیز که، بیز سیزین مالکیت‌یزی محو ایتمک ایسته‌بیریک. بلی، بیز دوغرواندان بونی ایتمک ایسته‌بیریک

سیز دیرسیز که، امگین داها سرمایه‌یه، پولاً، تورپاق رانتینا، مختصر، انحصار آلتینا آلتینا بیلن اجتماعی قوه‌یه دوندریله بیلمه‌یجگی زمان‌دان اعتباراً،

یعنی شخصی مالکیتین داها بورژوازی مالکیتینه چوریله بیلمه‌یجگی زماندان اعتبارا شخصیت محو ایدیلیمیش اولور.

دیلمه‌لی، سیز اعتراف ایدیرسیزکه، بورژوادان، یعنی بورژوا مالکیت‌چیسیندن سوای هیچ کسی شخصیت حساب ایتیرسیز. بنله بیر شخصیت دوغرواندان محو ایدیلمه‌لیدیر.

کمونیسٹ اجتماعی محصوللاری منیمسه‌مک امکاتینی هیچ کسین الیندن آلیر، کمونیسم فقط بو منیمسه‌مه واسطه‌سیله نوزگه امگنی اسارت آلتینا آلماق امکاتینی آرادان قالدیریر.

اعتراض ایدیب دیردیلر که، گویا خصوصی مالکیت محو ایدیلدیکده، هر جور فعالیت دایانار و عمومی بیر تنبل‌لیک حکم سوره‌ر.

بنله اولسایدی، تنبل‌لیک اوزوندن بورژوا جامعه‌سی چوخدان محو اولمالی‌ایدی، چونکه بوردا زحمت چکنلر هیچ بیر شئی الده ایتیر، الده‌ایدنلرسه زحمت چکمیرلر. بوتون بو قورخولار بنله بیر تکرار مکرراتدان عبارت اولور که، داها سرمایه موجود اولمادیغینا گوره، مزدلی امکده داها یوخدور

مادی محصوللارین کمونیسته‌سینه منیمسه‌نیلمه‌سی و تولید اصولی علیهینه یونلدیلن بوتون اعتراضلار عقلی امک محصوللارینین منیمسه‌نیلمه‌سینه و تولیدینه‌ده عایدیر. طبقاتی مالکیتین محو ایدیلمه‌سی بورژوازینین نظرینده تولیدین نوزونون محو ایدیلمه‌سی دیمک الدوغی کیمی، طبقاتی تحصیلین محو ایدیلمه‌سی‌ده اونون نظرینده عمومیتله تحصیلین محو ایدیلمه‌سی دیمکدیر.

محو اولاجاغینا بورژوانین عزا توتدوغی تحصیل بویوک چوخلوق ایچون ماشینین علاوه‌سینه چویریلیمک دیمکدیر.

لکن بورژوا مالکیتینین لغو ایدیلمه‌سینی آزادلیق، تحصیل، حقوق و سایرہ حقینده‌کی نوز بورژوا تصورلریز نقطه نظریندن قیمت‌اندیریب بیزیمله مباحثه ایتمه‌یین. سیزین مفکوره‌لریزین نوزی بورژوا تولید مناسباتینین و بورژوا مالکیت مناسباتینین محصولی دیر، عینی‌ایله‌ده سیزین حقوقونوز نوز طبقه‌نیزین آنجاق قانون درجه‌سینه یوکسل‌دیلمیش اراده‌سیدیر، بو اراده‌نین مضمون‌یسه نوز طبقه‌نیزین مادی حیات شرائطی‌ایله معین ایدیلیر.

نوز تولید و مالکیت مناسباتیزی تولیدین انکشافی پروسه‌سینده کنچی اولان تاریخی مناسباتدان طبیعت و نکاتین ابدی قانونلارینا چویرمگه سیزی وادار ایدن غرضلی تصورونوز کچمیشده حکم سورموش محو اولموش بوتون طبقه‌لرین تصویری ایچون عینی‌دیر. آنتیک و یا فئودال مالکیتی باره‌سینده سیزه آیدین گورونن شنیی بورژوا مالکیتیندن بحث اولونار کن سیز داها باشا دوشمک جسارتینده اولمورسوز. عائله‌نین محو ایدیلمه‌سی! ان افراطی رادیکال‌لاردا کمونیستلرین بو اییرینج نیتیندن حدتلنیرلر.

معاصر عائله، بورژوا عائله‌سی نه‌یه اساسلانیر؟ سرمایه‌یه، خصوصی وارلانمایا. تماما انکشاف ایتمیش شکلده بو عائله آنجاق بورژوازی ایچون موجوددور، لکن اونون بنله بیر علاوه‌سی‌ده واردیر که، پرولتارلار مجبوریت اوزوندن عائله‌سیز قالیر و آچیق فاحشه‌لیک باش ویریر.

بورژوا عائله‌سینین بو علاوه‌سی آرادان قالدیقدا، طبیعی اولراق، بو عائله‌ده آرادان قالخیر و سرمایه یوخ اولدوقدا، بونلارین هر ایکیسی یوخ اولاجاقدیر.

بلکه سیز بیزی اتهام ایدیرسیز که، بیز آنا‌نالارین نوز اوشاقلارینی استثمار ایتمه‌سینه سون قویماق ایسته‌ییریک؟ بیز بو جنایتی اعتراف ایدیریک.

لکن سیز ادعا ایدیرسیز که، بیز ایو تربیه‌سینی اجتماعی تربیه‌ایله عوض ایتمهکه، انسان ایچون ان عزیز اولان مناسباتی محو ایتمک ایسته‌ییریک.

بس سیزین تربیه‌نیزی جامعه معین ایتمیر؟ مگر بو تربیه‌نی سیزین تربیه ویردیگیز شرایطده‌کی اجتماعی مناسبات معین ایتمیر، مکتب و سایره واسطه‌سیله جامعه‌نین بلاواسطه و یا دولایی مداخله‌سی معین ایتمیر؟ کمونیستلر تربیه‌یه جامعه‌نین تاثیرینی اویدورمولار، اونلار فقط تربیه‌نین کاراکترینی دگیشدیریر، اونی حاکم طبقه‌نین تاثیر ائتیندن چیخاریرلار.

ایری صنایعین انکشافی نتیجه‌سینده پرولتار آراسیندا بوتون عائله علاقه‌لری نه قدر چوخ پوزولورسا، اوشاقلار نه قدر چوخ عادی آلویر شنی‌لرینه و ایش آلتلرینه چویریلیرسه، عائله و تربیه حقینده، آتا آنا‌ایله اوشاقلار آراسیندا مهربان مناسبات حقینده بورژوا بوش بوغازلیقلاری‌دا بیر او قدر چوخ نفرت اویادیر.

لکن بوتون بورژوازی بیر آغیزدان باغیریب بیزه دییر که، سیز کمونیستلر آروادلاری عمومی لشدیرمک ایسته ییرسیز

بورژوا نوز آروادینا عادی بیر تولید آلتی کیمی باخیر. او ایشیدیر که، تولید آلتلرینی عمومی استفاده‌یه ویرمک نظرده توتولور، بونا گوره، البته، بنله بیر فکردن اوزاقلاشا بیلیمیر که، آروادلارین‌دا باشینا بوجور بیر ایش گله‌جکدیر.

او هیچ خیالنادا گتیرمیر که بورادا آروادین عادی بیر تولید آلتی اولماسی وضعیتینی آرادان قالدیرماقدان بحث اولونور.

کمونیستلرده آروادلارین گویا رسمی عمومی‌لیگی باره‌سینده بیزیم بورژوالارین عالی اخلاق صاحب‌لری کیمی دهشته گلمه‌لریندن داها گولونج بیر شنی یوخدور. کمونیستلر آروادلاری عمومی‌لشدیرمه‌لرینه احتیاج یوخدور، بو عمومی‌لیک دیمک اولار، هر زمان موجود اولموشدور.

بیزیم بورژوالار، رسمی فاحشه‌لیک هله بیر یانا قالسین، نوز کارگرلرینین آرواد و قیزلارینین اونلارین اختیاریندا اولماسی ایله کفایتنامه‌یه رهک، بیربیرینین آروادلارینی اله کچیرمکدن خصوصی بیر حظ آیرلار.

بورژوا کبینی اصلینده آروادلارین عمومی لیگی دیمکدیر. کمونیستلری بلکه‌ده آجاق بومندا اتهام ایتمک اولاردی که، گویا اونلارین آروادلارین ریاکارلیقلا پرده‌لنن گیزلی عمومی لیگی عوضینه رسمی، آچیق عمومی لیگینی حیاتا کچیرمک ایسته‌ییرلر. لکن نوزلوگونه آیدین‌دیر که، ایندیکی تولید مناسباتی محو ایدیلدیکده، بو مناسباتان دوغان آرواد عمومی لیگی‌ده، یعنی رسمی و غیر رسمی فاحشه‌لیک‌ده یوخ اولاجاق‌دیر.

سونرا، کمونیستلری اتهام ایدیرلر که، گویا اونلار وطنی، ملیتی لغو ایتمک ایسته‌ییرلر.

کارگرلرین وطنی یوخ‌دور. کارگرلرین اولمایان بیر شنینی اونلارین ایندن آلماق‌دا اولماز. پرولتاریا ان اول سیاسی حکمرانلیغی اله آلمالی، ملی طبقه وضعیتینه چاتمالی<sup>۱</sup> و بیر ملت کیمی تشکیل تاپمالی اولدوقوندا نوزی هله ملی‌دیر، هر چند بو ملی‌لیک هیچ‌ده بورژوازی‌نین آنلادیغی معنادا دگیلدیر.

بورژوازی انکشاف ایتدیگجه، تجارت آزادلیغی، عموم دنیا بازاری یاراتدیقجا، صنایع تولیدی و بونا اویغون اولان حیات شرائطی عینلشدیکجه، خلقلرین ملی آیریلیغی و تضادلاری گیتدیگجه داها چوخ آرادان قالخیر.

پرولتاریانین حکمرانلیغی بونلارین آرادان قالخماسینی داها چوخ سرعتلندیره‌جک‌دیر. قوه‌لری بیرلشدیرمک، هیچ اولمازسا، مدنی مملکتلرین

---

<sup>۱</sup> - ۱۸۸۸ - نجی ایل انگلیس دیلینده نشرینده "ملی طبقه وضعیتینه چاتمالی" سوزلری عوضینه "ملتنین قاباقجیل طبقه‌سی وضعیتینه چاتمالی" چاپ ایدلمیش‌دیر.

قوه لرینی بیرلشدیرمک پرولتاریانین آزاد اولماسی ایچون بیرینجی شرطلردن  
بیریدیر.

بیر فردی آیری فردین استثمار ایتمه سی محو اییدیلدیگی درجه ده، بیر ملتی  
دیگر ملتین استثمار ایتمه سی ده محو اییدیه جکدیر.

ملتلر داخلینده طبقه لرین آنتاگونیسیمی ایله بیرلیکده ملتلر آراسینداکی  
دشمن چیلیک مناسباتی دا یوخ اولوب گیده جکدیر

دینی، فلسفی و عمومیتله ایده اولوژی نقطه نظرلردن کمونیسیم علییه نه  
ایره لی سورولن اتهام لاری اطرافلی نظردن کچیرمگینه دگمز.

انسانلارین حیات شرائطی، اونلارین اجتماعی مناسباتی، اونلارین اجتماعی  
وارلیغی ایله بیرلیکده اونلارین تصورلرینین، باخیشلارینین و مفهوم لارینین،  
بیر سوزله، اونلارین شعورونون دا دگیشیلدیگینی آنلاماق ایچون مگر  
خصوصی بیر درین دوشونجه لازمدیر؟

مفکوره لر تاریخی معنوی تولیدین مادی تولیدله بیرلیکده دگیشیلدیگینی  
دگیسه، بس نه یی ثبتن ایدیر؟ هر هانسی زمانه نین حاکم مفکوره لری همیشه  
آنجا ق حاکم طبقه نین مفکوره لری اولموشدور.

بوتون جامعه نی انقلابی لشدیرن مفکوره لردن بحث ایدیرلر، بونولادا فقط  
بنله بیر فاکتی افاده ایدیرلر که، کهنه جامعه داخلینده تزه جامعه نین عنصرلری  
عمله گلمیشدیر، کهنه حیات شرائطی نین داغیلماسی ایله یاناشی اولاراق کهنه  
مفکوره لرده داغیلیر.

قدیم دنیا محو اولماغا اوز قویدوغی زمان مسیح دینی قدیم دینلری مغلوب  
ایتدی. ۱۸-تجی عصرده معارف تچیلیک مفکوره لرینین ضربه لری آلتیندا  
مسیحیت مفکوره لری محو اولدوغی زمان فنودالیسم جامعه سی او وقت  
انقلابی اولان بورژوازی ایله نولوم- دیریم دویوشونه گیرمیشدی. وجدان و

دین آزادلیغی مفکوره‌لری بیلک ساحه‌سینده فقط آزاد رقابتین حکمرانلیغینی افاده ایدیردی.

بیزه دییه بیلرلر: "لاکن دینی، معنوی، فلسفی، سیاسی، حقوقی، مفکوره‌لر و سایر تاریخی انکشاف گیدیشینده، البته، دگیشیلیمشدیر. دین، اخلاق، فلسفه، سیاست، حقوق آراسی کسيلمه‌ین بو دگیشلمه زمانی دائم قالمیشدیر.

بوندان علاوه، اجتماعی انکشافین بوتون مرحله‌لری ایچون عمومی اولان آزادلیق، عدالت و سایر کیمی ابدی حقیقتلر واردیر. کمونیسمه ابدی حقیقتلری لغوایدیر، دینی، اخلاقی تزله‌لشدیرمک عوضینه بونلاری لغو ایدیر، دیمه‌لی، کمونیسیم تاریخی انکشافین بوتون اولکی گیدیشینه ضددیر"

بو اتهام نهدن عبارتدیر؟ ایندییه قدر موجود اولموش بوتون جامعه‌لرین تاریخی مختلف دورلرده مختلف شکللر آلان طبقاتی تضادلار داخلینده حرکت ایتیمیشدیر.

لکن بو تضادلار نه‌کیمی فرملاردا اولسادا، جامعه‌نین بیر حصه‌سینی دیگر حصه‌سینین استثمار ایتمه‌سی بوتون کچمیش عصرلر ایچون عمومی اولان بیر فاکتدیر. بونا گوره‌ده تعجبلی دگیلدیر که، بوتون عصرلره‌کی اجتماعی شعور، بوتون مختلف‌لیگینه و بوتون فرقلرینه باخمایارق، معین عمومی فرملاردا حرکت ایدیر، انله شعور فرملاریندا حرکت ایدیر که، بونلارین فقط طبقه‌لرین تضادی قطعی صورتده یوخ اولاجاغی زمان تماما یوخ اولاجاقدیر.

کمونیسیم انقلابی کچمیشدن ارث قالان مالکیت مناسباتی‌ایله علاقه‌نین ان قطعی صورتده کسيلمه‌سی دیمکدیر، تعجبلی دگیلدیر که، نوز انکشافی گیدیشینده بو انقلاب کچمیشدن ارث قالان مفکوره‌لرله علاقه‌نی ان قطعی صورتده کسیر.

لکن بورژوازی‌نین کمونیسیم علیه‌نه اعتراضلارینی بیر کنار قویان.

بیز آرتیق یوخاردا گوردوک که، کارگر انقلابیندا بیرینجی آددیم پرولتاریانین حاکم طبقه‌یه چویریلمه‌سی، دموکراسی الده ایدیلمه‌سیدیر. پرولتاریا نوز سیاسی حکمرانلیغیندان بوتون سرمایه‌نی آددیم به آددیم بورژوازی‌نین الیندن آلماق، بوتون تولید آلتلرینی دولیتین، یعنی حاکم طبقه حالیندا تشکیل اولونموش پرولتاریانین الینده مرکزشدیرمک و محصولدار قوه‌لر مجموعینی ممکن قدر سرعتله آرتیرماق ایچون استفاده ایده‌جکدیر.

بو، البته، اولجه مالکیت حقوقونا و بورژوا تولید مناسباتینا آجاق زوراکی مداخله واسطه‌سی‌ایله، یعنی اقتصادی جهتن یاریتماز و اساس‌سیز گورونن، لکن حرکت گیدیشینده بویویوب نوز چرچیوه‌سیندن کنارا چیخان<sup>۱</sup> و بوتون تولید اصولوندا چویریلش ایچون بیر واسطه‌کیمی لابد اولان تدبیرلر واسطه‌سیله ممکن دیر.

البته، مختلف مملکتلرده بو تدبیرلر مختلف اولاجقدیر.

لکن ان قاباقجیل مملکتلرین، دیمک اولار هامیسیندا آشاغیداکي تدبیرلر تطبیق ایدیله بیلر:

۱. تورپاق مالکیتیندن محروم ایتمک و تورپاق رانتیندان دولت خرجلرینین

نوده‌نیلمه‌سی ایچون استفاده ایتمک

۲. یوکسک مترقی ویرگی.

۳. ورثه‌لیک حقوقونی لغو ایتمک.

۴. بوتون مهاجرلرین و قیامچیلارین املاکینی مصادره ایتمک.

<sup>۱</sup> - ۱۸۸۸ - نجی ایل انگلیس دیلینده نشرینده "بویویوب نوز چرچیوه‌سیندن کنارا چیخان" سوزلریندن سونرا "کهنه اجتماعی قورولوش اوزرینه تزه حملهلری ضروری ایدن" سوزلری علاوه اولونموشدور. ت. ه.

۵. دولت سرمایه‌سینه و مستثنا انحصارا مالک ملی بانگ واسطه‌سیله اعتباری دولت الینده مرکز لشدیرمک.
  ۶. بوتون نقلیاتی دولتین الینده مرکز لشدیرمک.
  ۷. عمومی پلان اوزره دولت کارخانه‌لرینین، تولید آلت‌لرینین سایینی آرتیرماق، تورپاقلاری اکین ایچون تمیزله‌مک و یاخشیشلشدیرماق.
  ۸. امگین هامی ایچون عینی درجه‌ده مجبوری‌لیگی، صنایع اردولاری تشکیل ایتمک، خصوصی اکین‌چیلیک ایچون بنله اردولار تشکیل ایتمک.
  ۹. اکین‌چیلیگی صنایع‌ایله بیرلشدیرمک، شهرله کند آراسینداکی فریقین<sup>۱</sup> تدریجا آرادان قالدیریلماسینا کمگ ایتمک.
  ۱۰. بوتون اوشاقلارا اجتماعی و پول‌سوز تربیه ویرمک. کارخانه‌لرده معاصر فرمداکی اوشاق امگینی آرادان قالدیرماق. تربیه‌نی مادی تولیدله بیرلشدیرمک و سایره.
- انکشاف‌گیدیشینده طبقاتی فرقلر محو اولاجاغی و بوتون تولید فردلرین جمعیتی الینده توپلاشاجاغی زمان اجتماعی حاکمیت نوز سیاسی کاراکترینی ایتیره‌جکدیر. سوزون اصل معناسیندا سیاسی حاکمیت بیر طبقه‌نی ازمک ایچون دیگر طبقه‌نین متشکل زوراکیلیگی دیر. بورژوازی علیهینه مبارزه‌ده پرولتاریا حکما بیر طبقه‌ حالیندا بیرلشیرسه، انقلاب یولی‌ایله نوزونی حاکم طبقه‌یه چویریرسه و حاکم طبقه اولوب کهنه تولید مناسباتینی زورلا لغو

---

<sup>۱</sup> - ۱۸۴۸ - نجی ایل نشرینده "شهرله کند آراسینداکی ضدیتین" یازیلیمشدیر. ۱۸۷۲ - نجی ایل نشرینده و آلمان دیلینده سونراکی نشرلرینده "ضدیتین" سوزی " فریقین" سوزی‌ایله عوض ایدیلیمشدیر. ۱۸۸۸ -نجی ایل انگلیس دیلینده نشرینده "شهرله کند آراسینداکی فریقین تدریجا آرادان قالدیریلماسینا کمگ ایتمک" سوزلری عوضینه "اهالینین بوتون مملکتده داها برابر صورتده بولوشدورولمه‌سی یولی‌ایله شهرله کند آراسینداکی فریقین تدریجا آرادان قالدیریلماسی" چاپ ایدیلیمشدیر.

ایدیسه، بو تولید مناسباتی ایله بیرلیکده او، طبقاتی ضدیتین موجود اولماسی شرانطینی محوایدیر، عمومیتله طبقه لری محوایدیر، بونونلا بیرلیکده بیر طبقه اولماق اعتباری ایله نوز حکمرانلیغینی دا محوایدیر.

طبقه لری و طبقاتی ضدیتلرین موجود اولدوغی کهنه بورژوا جامعه سینین یرینی انله بیر جامعه توتور که، بورادا هر کسین آزاد انکشافی هامینین آزاد انکشافی ایچون شرطدیر.

### تایپ الیین: الدوز آذری

کتابخانانین انترنت آدرسه: <http://www.javaan.net/nashr.htm>

پست آدرسه: BM IWSN, London WC1N 3XX, UK

ایمل آدرسه: [yasharzarri@yahoo.com](mailto:yasharzarri@yahoo.com)

نشر کارگری سوسیالیستی نین مسئله: یاشار آذری

یازیلان تاریخ: ۱۳۸۵